



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Svmma Diana**

**Diana, Antonino**

**Coloniae Agrippinae, 1656**

Eleemosynæ Effectus

**urn:nbn:de:hbz:466:1-40647**

E L E E M O S Y N Æ  
Effectus.

*Eleemosyna  
an liberet  
Canonicum  
à restitutione  
ob Horas  
omissas?*

1. † **P**RÆTER tot bona spiritualia & temporalia, quæ virtute Eleemosynæ ex divina promissione sperantur, ut videre est in sacris litteris, & SS. Patribus. † Canonici omittentes Horas Canonicas, & ob id ad restitutionem astricti, si Eleemosynas æqualis valoris cum fructibus restituendis fecisse inveniuntur, etiam absque hoc intuitu, secundum Laymann lib. 3. sect. 5. tract. 2. cap. 12. num. 9. liberantur ab onere restitutionis: nam talis præsumitur esse illorum intentio: & leges Ecclesiasticæ benignè sunt explicandæ. part. 3. tract. 6. resol. 57. & part. 7. tract. 10. resol. 24. & an id dicendum sit de aliis obligationibus, vide verb. *Debitor*, num. 4.

E M E R E.

*Emere quis  
que debet in  
suo pretio.*

1. † **A**D justam emptionem requiritur in primis, quod pretium sit justum. Justum autem est pretium, quod taxa præscripsit, aut mercatorum consensus approbavit, quamvis hoc secundum habeat latitudinem, de qua verb. *Pretium*. † Aliquando verò res emi possunt minoris quam alioquin venderentur, quibusdam concurrentibus circumstantiis, quæ pretium illarum diminuunt. Ita Covarruvias lib. 2. cap. 3. num. 5. Et sic in fine nundinarum merces minoris emuntur, quam initio, &c. & quando merces offeruntur ultro, & sub hasta, ut dictum est *ibid* num. 4. 5. Si quis autem sub hasta rogaret astantes, ne plus offerat, ut ipse emat pretio infimo, sed iusto, non peccaret. Secus, si cogeret vi, aut metu: quod procedit quoque in emptione vestigalium officiorum, &c. Reinald. tomo 2. lib. 25. cap. 22. numer. 379. contra Megalam in 2. 2. lib. 2. cap. 6. quest. 5. num. 145. part. 1. tractat. 8. resolutione 76. Item minoris emi res possunt anticipata solutione: tum propter peri-

*Diana. Summa.*

*Anticipata  
solutione.*

culum non habendi merces, aut non sine litibus, & expensis: tum ob lucrum cessans, aut damnum emergens ex tali solutione: tum quia sic minuitur emptorum, & augetur venditorum numerus. Et tandem, quia tempore traditionis propter multitudinem, & necessitatem emptorum, merces ipsæ vilius emerentur. Ita Bonacina de contr. disput. 3. quest. 2. punct. 4. num. 20. contra Valentium tom. 3. disp. 5. quest. 20. punct. 2. §. 2. part. 1. tract. 8. resol. 22. Ex quibus patet, licitam esse emptionem saccharorum in hoc Regno, pretio minori sub infimo, anticipata solutione. part. 1. tract. 8. resol. 78. Quid dicendum de adjudicationibus prædiorum vili pretio, in hoc Regno fieri solitis, vide verb. *Pretium*, num. 5.

*Nec enim debent, quante valent ad aliquid finem ignotum, & insolitum.*

2. Rursus res, quæ ad usum ordinariū vendi solent tantum ab eo, qui in aliquem utilissimum, sed ignotum finem procuratur, emi potest non pluri. Et sic inveniens in falce oleorum, vel herbarum, quæ venduntur ad pabulum animalium, vel ad comburendum, herbam magnæ virtutis ignotæ, emere illam posset pretio currenti. Ita Molina tom. 2. tract. 2. disput. 353. & DD. communiter, quidquid contra asserat Turrianus in 2. 2. to. 2. disput. 58. dub. 4. num. 6. Similiter fundus, in quo latet thesaurus, emi potest pro simplici fundo, etiam ab eo, qui scit de thesauro: quia talis simpliciter æstimatur. Idemque docet Salas de emp. dub. 26. num. 5. † & post illum Trullench in Decalog. tom. 2. lib. 7. cap. 20. dub. 12. n. 10. † de re pretiosa, in iis regionibus, in quibus non æstimatur: & de lapide pretioso, cujus qualitatem lapidarius ignoraret. part. 1. tr. 8. resol. 79.

*Credita difficili solutio, emi possunt minoris.*

3. Item credita difficultis solutionis, possunt minoris emi: & si difficultas, incertitudo, interesse, molestia, &c. in exigendo, æstimantur pertingere ad dimidium, possunt emi dimidio, etiam ab eo, qui sua industria, vel fortuna sit facile recuperaturus: nam id suæ fortunæ, vel specialis diligentia foret effectus, justum pretium rei emptæ est, non quanti valet emptori, sed quanti valet in se, aut creditori, cōsideratis certis circumstantiis.

§§

Ita